

Aktuellis ausn Voreinslabn:

E paar Terminle stenne numeh fest, wu mir uns angaschiern bzw. selberst richtig mitmischn. Zen erschn wolln mir uns wieder mit nern eichne Stand bein Gewerbeverein sein Postplatzfast eibrenge. Do kenne mir uns präsentirn un in Bildern zeign, wos mir allis esu luslessn! Des Postplatzfast is dies Gahr am 10. Juni 2023

E ganz besonnensch Heileit wird of jedn Fall unner Mundart-Hutznobnd im Q-Stall am Mittwoch, ne 14. Juni 2023!

Mit dorbei solln sei dor Seidel, Thomas un dor Wallschläger, Robert mit sein Bandoneon-Verein aus Carlsfald, dor Stölzel, Florian mit seiner Zither, de Denise Ullmann mit ihrn Gung un noch weitere Künstler. Subald alle Zusogn rei sei un is Programm stieht, wern mir des in en dor nächstn Blattle berichn.




De Arbitn am 2. Bauabschnitt ham bereits begonne, sei mit dor Planing auf nern guten Wag un wern vu dene aannzelne Gewerkn zielgericht je noch Wetterlog durchgefiehr. Dor Thomas Helm als Projektschef wacht ieber des ganze Treibn.



FAHRDIENST

Wer am 09.03.2023 abgeholt und auch **wieder nach Hause** gefahren werden will, der möchte bitte bis 17:00 Uhr anrufen:

Karin Bauer, Tel.: 3641



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
216

Mitteilungsblatt des
Erzgebirgischen Heimatvereines
Eibenstock e.V.

März
2023



Frühling bei de Wurzel-Rudis


Is Labn is de Lieb

Is Labn is de Lieb,
dorfrei diech an ihr,
denn de Lieb haaßt Friedn;
groß den brauchn mir.

Un is die dorkalt
zind ofs Neie se a,
denn lieblus vorwalt
is nicht an ihr dra.

E Troppn an Lieb
brennt Freid un Glück,
un fällt of ne Spendor
mit Zinsiszins zerick.

von Joseph Huber
(un wie immer ins
gebirgische imgemahrt
vun Schmidt)



Wu Lieb un Friedn wohnt in Haus
huppts Ugelick zen Fanstor naus.
Kehrt irgndwu Zank un Ufriedn ei,
kriechts Ugelick zen Fanster rei!

Weisheit vun Anton Günther

Wir gratulieren unseren Heimatfreunden

Hans-Alfred Taube
Werner Pechstein

am 17.03.
am 30.03.

zum 71. Geburtstag
zum 85. Geburtstag



Als neues Vereinsmitglied begrüßen wir ganz herzlich:
Undine Göbler

Verspreche nichts, wenn du glücklich bist,
antworte nicht, wenn du wütend bist
und entscheide nichts, wenn du traurig bist.

- unbekannt -



ACHTUNG Terminänderung:

E rätslhafter Hutznobnd
Donnerstich,
09. März,
18.00 Uhr, im Voreinshaus
Preisrätsel um
Alt-Eimstock- Bilder!
Wer kennt siech do aus?

Dor nächste Hutznobnd
in April, Donnerstich,
ne 13.4.23, 18.00 Uhr,
do is fei singe aagesaat:
Karaoke - Schlacher
Do kaa un muss mor aafach
mitsinge!





Ach ja, nooch Riminie sei mor ja aa noch mit ne Lothar gefahrn. Des war e Durchenanner of dare Fahrt un noocherts noch in Rimini salberscht. Des war schu ieberaus aastrengnd for ne. In Himml sei Dank, des dar des allis nár getraamt hat! Preise gobs ze guter Letzt aa noch. De schennstn Kostimle sei belohnt wurn: ze allerersch de 3 Schlimpfe Anja, Gabi un Frank, die wahrlich orginal ausgesaah ham mit ihre blaun Gesichter (net ebber vun Alkohol, des war nár Farb!). Dann de Irmischs mit ihre Fliegn-

schwammle un de imhaar-fliegnde Undine als Schmatterling.

De schie aageputztn neien Ullmanns ham aa noch e klaans Dippl okricht.

Tja, un wer gedacht hat, des wars un dar Fosndhutznobnd is ze end, dar muß siech ewos bessres belehrn lessn:



bei de nächstn Schla-cherliedle sei e paarle aufgesprunge un ham den Tanz doröffnt. Un des hat siech hiegezugn, kaa iech eich sogn. Gegn dreiviertel-elfe saat iech zen Wirt, nu mach iech mol langsam de Musik leiser un ganz aus, ansinstn genne die net eham.



Bis zur nächstn Fosnd 2024 – eier Schmidt



E Viertlgahr-Ausflug nooch Gotha

Schu in mein 1. Büchl hob iech of dor Seit 55 ieber mei Mustering bei dor Armee mol geschriebl, itze sei mir aus aktuelln Aalaß wieder aus dare Zeit paar Dinge eigefalln: Ausflug is gut – ne Eiberiefing zur „Natsjonaln Volksarmee“ war des im Friehtgahr anno neinznhunnertzweesiebzich! Iech hat ja schu insgehaam gehofft, des se mich emende vorgassn ham. Aber nicht wars, öb mor wollt oder net, mor muß halt gehorgn. Su bi iech halt erscht mit unnern Bahnl, dann mit nern richtschn D-Zuch bis nooch den Gotha gefahrn. Vu dare Fahrt durch des schiene Thiringe hob iech gar nicht mitkricht, iech hat do eweng mulmichs Gefiehl in mir, denn Armee – des war ganz un gar net mei Zeich!

Usportlich wie iech nu mol war, was söllt iech bei su nor Trupp ausrichtn? Iech konnt doch eingtlich nicht wetter, als eweng Gitarr klimpern un e kla weng singe. Un dann hattn die miech bei dare Mustering aa noch zu de Panzer eigetaalt! Obwuhl iech schu vu klaa auf ne starke Brill hat un wirklich net esu racht gut sah konnt. Iech wußt aa bis



dohie noch gar net, wie su e Ding aussieht, geschweiche denn funktischjoniern un fahrn tät!

Nei in die Kasern un des Tor war zu, was werd nu warn? Schu des Gebläk bei den Befahlstöner war mir zewider. 4 Doppelstockbett innern klenn Zimmer un dar klaane Spint dorzu. Un dann dor Hammer: Soldat Schmidt is eigetaalt als Ladeschitz ofn Fiehrungspanzer bein Oberleitnant! Iech ofn erscht Panzer, des kaa nicht warn. Iech dorspar mir an dare Stell wie des Ganze dann lus ging – vun Stillgestandn bis in Laufschrift Marsch! Net lang drauf un mir standn is erschte mol vor su en uheimlichn Gefährt vun Panzer.

Vu außn sah des Ding schu gefährlich aus, aber erscht inne drinne: kaum Platz ringsrim un do söllste aa noch de Granatn neilodn? Zenächst wurd dann - immer of Kommando vorstieht siech – des schnelle Ei- un Aussteign giebt. Dann war emol Alarm, mittn in dor Nacht halb zwelfe un aa noch annorn Samstich. Mir standn of den Platz vor de Panzergarachn. Mei Hauptmann kam eweng ze spät un spukt vür siech hie: „Schu wieder mol an Wochnend, su ein Mist. Iech war grod mit meiner Fraa dorbei...“ Des hat aber aaner vu de Grußn gehärt un desserwagn hat ar in Vorweis oder su wos kricht, des hat ar mir salberst hinnerhar mol dorzählt.

Is schennste an den Obnd war aber dor Befehl zen Panzer startn un rausfahrn naufn Platz. Iech wass nimmer wie viel do in dor Reih standn, 8 oder 10 Stick warns wuhl. Aber ach: nár zwee hams geschafft, im aus dare Garasch rauszekumme, die annern sei net emol aagesprunge. Dozemol is ieber de NVA gelacht un gelästert wurn. Un wos is heitzetog? Do genne aa e schiens paarle vu de Panzers net – Munition is aa knapp - un aa Heljokopter bleibn an Budn klabn. Mir wärs racht, wenn die Dinger allezam gar net erscht gebraucht wärn tät, geschweiche denn zen Einsatz komme müßtn. Wos mir brauchn is Frieden un Eitracht, e vorninftschis Mitenanner mit alln of unnerer Ard – mir ham nár die aane! Eier Schmidt



Fosnd in der Gartnspart



Mir hattn ja mit zirka 40 Leit gerachnt. Im nu war des Spartnhaisl kurz für Sechse voll un e paar Leit ham noch gefahlt. Schnell wurd noch e Tisch naa geschubn un noch 5 Plätz ogesichert. Gelei nooch dor Begrießing gings huch har: Mit „Allis singt!“ mußtn allzam ne ganzn Haufn Fosnd-Liedle in Kurzform mitsinge, nu ja – war ja net schwar – dor Text is ja per

Biemer na dor Wand getschippert wurn. När bei mir un meiner Gittarr hatts eweng gehaport, weil iech bei mannichn Liedln ne annere Dur spielen wollt – aber unnere Leit ham aafach wetter gesunge un sei ihrer Linje trei gebliebn! Doch des war Wurscht: is war gelei e spaßcher Aafang. Inzwischen warn aa de letztn Gäst eigetroffn – de gesamte Fünfer-Ullmann-Dinastie ausn Winkl. Dann gobs in orndlichn Tusch, un dor Jürgen konnt gelei is Assn auftrogn: leckere Schnitzln mit Ardäppln, fein Gemies un schmackhafter Brie. Dorzu gobs de schennstn Fosnd-Songs per Läbtop, Mischpult un Vorstärkor.



An dor Seit hat siech inzwischen is Reisebüro „Sabine“ eigericht un schu kam aa dor reiselustiche Johannes, dar aber gar net wußt, wu ar su richtig hie wollt, allis tat ne net passn! Mit ne nächstn Tusch war aa schu dor Barth-Matz an dor Bütt un tat sein lustgn Bei-

trooch ieber de Eingartn un Vorflechtunge vu Maa un Fraa vürtrogn. Mittn nei kam is Bandonjon vun klenn Ullmann-Gung, ne lev, ze Wort – naa zur Musik - dar tat sei Ding ausenannerzieh un wieder zamquetschn, desis ne wahre Pracht war! Alle ham mietgesunge, von Hutznmarsch bis zen Steigerlied! Gelei drauf wurd dar Tisch ingewannlt in e Doktor-sprachzimmer, wu de Antina-Ärztin ihre Rat-



schläch luswarn kunnt. Dor Patzjent Burkhardt war mit seiner Fraa, diesmol dor Ute, kumme (– eingtlich is de Fraa mit ihm kumme -) weil när die wußt, was ihm fahlt oder aa net. Des Rezept, wos ar noocherts kricht hat, tätn siech vielleicht aa e paar annere Manner wünsch... Na, den letztn Satz wär

iech wuhl lieber wieder streign müßn aus mein Artiki! Un erscht die Weiber! Die kame mit en Schwung in de Maneech un tanztn durch de Fosndgesellschaft nooch de schennstn Liedle vu dor „Schennstn Maid“, dor „Juchndlieb“ bis zen Karel Gott sein „Aamol im de ganze Walt un de Taschn voller Gald“ – un dann ham se noch ihr ganzis Gald, des haaßt, de Pfeng-Center, of unnere Tischle rimgeschmissn! Als Abschluss vu dare schenn Tanzerei gobs noch ne zinfische „Polonäse nooch Blankeneese“ – ach naa, mir sei dorham in Eimstock gebliebn, do mußtn alle (nuja fast alle) aufspringe un siech eireihe!

...wetter giehts of dor Seit Sechse!